

H. Fracastorius.

rent nec loco ad viginti quatuor horas se moverent, quas & insomnes omnino ducerent. Vnde hujus origo nec medicorum doctissimis constat. Sunt qui ad gypseum Angliæ solum (cum tamen nisi paucis locis gypseum sit) referunt. Certis (inquiunt) constitutionibus humidis, vapores è solo illo accidunt elevari, subtilissimos quidem, corruptos tamen, qui & subtilem etiam inferunt contagionem, cujus analogia est, vel ad spiritus, vel ad tenuem spumam, quæ sanguini supernatant. Quæcumque autem causa sit, constat analogiam ejus contagionis esse ad subtile sanguinis: propter quod die una aut finitur ægrotudo aut æger. Hæc alii exquirant, observavi ego hunc morbum Angliam superiori seculo ter pervasisse (nec tamen dubito quin olim etiam pervaserit, etsi memoriæ non sit proditum) primum anno CIO CCCCLXXXV, quo Henricus Septimus regnum auspicatus, paulo post magnam superiorum Planetarum conjunctionem in Scorpione. Iterum sed mitius, cum peste tamen comitatus tricesimo tertio post anno, Salutis scilicet CIO DXVIII, post Oppositionem magnam eorundem in Scorpione & Tauro, quo tempore etiam Belgicam & superiorem Germaniam afflixit. Postremo anno illo CIO DLI, tricesimo tertio recurrente, cum alia illorum planetarum coitio in Scorpione vires suas exerceret. Sed de his plus satis, levicula enim videantur illis qui eruditæ experientiæ nihil tribuunt.

Rates, vulgo Flotes.

Strawerden.

Knocking.

Nesse.

Barones Le-Stranger.

20. Ed. 4.

Oswestre.

Welsh cottons.

642. Oswaldus interfec-tus.

Iuxta hanc urbem multiplices gyros trahit Sabrina, & maxime ad Rossall, ubi circumductus in se fere redit, antiquissimumque illud navigii genus, quod vetustas dixit rates, hic est usitatissimum, scilicet, ex rudibus asseribus, & tignis connexæ trabes, quæ secundo flumine onera subvehunt, quarum usum & nomen à Germaniæ Rheno nostrates deportarunt, eodemque cum Germanis nomine Flotes vocitant. Flumini vero adjacent Strawerden olim Arundeliorum Comitum castrum, postea vero longe honoratissimi viri Thomæ Bromley, jam pridem Cancellarii Angliæ: Knocking, à Dominis Le-Stranger constructum, à quibus ad Stanleas, Derbiæ Comites hæreditario descendit, & huic vicinum Nesse (cui rupes confragosa cum antro non incelebri imminet) quod cum Cheswarden, Rex Henricus Secundus dedit Ioanni Extraneo, sive Le-Stranger, à quo propagatæ sunt amplissimæ familiæ Le-Strangerorum de Knocking, Arindelegh, Ellesmer, Blakmere, Lutbeham & Hunstanton in Norfolcia. Ab illis vero de Knocking, cum postremus nulla mascula prole suscepta obisset, per Ioannam unicam filiam Georgii Stanleæ uxorem ad Derbiæ Comites devenit hæreditas. A flumine remotius ad Occiduum agri limitem jacet Oswestre sive Oswaldstre, Britannice Croix Oswalde, urbecula fossa & muro inclusa, exiguoque castello munita, mercatu vero foelix, pannorum præsertim Wallicorum raro tenuique textu (Levidensas si placet voces) quorum magna vis singulis septimanis hic distrahitur. Nomen habet ab Oswaldo Nordanhumbrorum Rege (cum antea Maserfeld vocaretur) quem penda paganus Merciorum princeps hic gravi prælio & occidit, & occisum summa cum immanitate discerpfit. Vnde de illo poëta Christianus satis antiquus:

Cujus & abscissum caput, abscissoque lacertos
Et tribus affixos palis pendere cruentus

Penda jubet; per quod reliquis exempla relinquit
Terroris manifesta sui, regemque beatum
Esse probet miserum; sed causam fallit utramque:
Vltor enim fratris minime timet Osuius illum,
Imo timere facit, nec Rex miser, imo beatus
Est, qui fonte boni fruitur semel, & sine fine.

Primam autem originem ex religione habuisse videtur, sanctissimum enim locum habuerunt ejus ætatis Christiani, & Beda miracula hic claruisse ubi Oswaldus cecidit, prodidit. Madoocus frater Mereduci (ut est apud Carodocum Lancabernensem) instauravit, mœnibus Fitz-Allani Normanni postea ejusdem Domini, & Arundeliæ Comites circumvallarunt. Solaria vero in Ariete deliquia sibi admodum infesta sensit, anno enim CIO DXXXVII, & anno CIO DLXVII, cum Solis in Ariete eclipses vires suas exercerent, incendia passa est gravissima. Post recentiore enim hanc eclipsim, adeo late se fudit incendium, ut ædes plus minus ducentæ in urbe, & suburbiis conflagrarent. Sub hac ad Circium collis est triplici fossa circumdatus, quem Hen-dinas, id est, Vetus Palatium vocant. Urbem fuisse contendunt vicini, alii tamen sunt qui Pendæ, vel Oswaldi castra existimant. Vix tribus hinc millibus passuum VWhittington abest Fitz-Guarinorum non ita pridem castrum, qui à Guarino de Metz Lotharingo stemma duxerunt, ille vero hæredem Guilielmi Peverell qui VWhittingtoniam construxisse fertur, in uxorem accepit, & Fulconem genuit, patrem Fulconis illius Fitz-Gaurini celeberrimi, cuius ancipites varique in bellis casus magnam apud majores habuerunt admirationem. Et regnante Henrico Tertio facta erat Fulconi Fitz-VVarin licentia firmandi competenter Castrum de VWhittington, ut apparet ex Claus. quinto Henrici Tertii. Desit horum Baronum dignitas tandem in formina, & per Hancfordum ad Bouchieros, qui nunc ad Bathoniæ Comites seculo superiori transivit. Sub hoc quædam prædia tenuit quidam Wrenocus filius Meurici, qui pro servitio debuit esse Latimerus inter Anglos & Wallos, id est, Interpres. Quod adnoto (ex Inquisitione veteri) ut intelligatur, quid sibi velit nomen illud Latimer, quod fere nemo cognovit, cum tamen in hoc regno sit celeberrimum. Ad Borealem agri limitem primum Shenton sedes claræ familiæ Needhamorum, & inde VWhitechurch sive Album Monasterium cernitur, tumulis aliquot Talbottorum clarum, sed præcipue illius Achillis Anglici Ioannis Talbott primi Salopiæ ex hac familia Comititis, cujus Epitaphium, ut formam Sepulchralium inscriptionum pro quolibet ævo videat lector, subjungam, licet tanto heroë minime dignum.

ORATE PRO ANIMA PRÆNOBILIS DOMINI, DOMINI IOANNIS TALBOTT, QVONDAM COMITIS SALOPIÆ, DOMINI TALBOTT, DOMINI FVRNIVALL, DOMINI VERDON, DOMINI STRANGE DE BLACKMERE, ET MARESCALLI FRANCIE, QVI OBIIT IN BELLO APVD BVRDEWS VII IVLII MCCCCLIII.

Hi Talbotti ante multos annos hæreditatem Baronum de Extraneo, sive Le-Stranger de Blackmere
Bbbbb 2 hoc

Vide in Northumbria.

Eclipses in Ariete.

Whittington.

Vita Fulconis Gallice scripta.

Barones Fitz-Warin.

Latimer quid significat.

Whitechurch.

Barones Le-Stranger de Blackmere.